



অবিলম্বে প্রকাশের উদ্দেশ্যে: 11/21/2023

গভর্নর ক্যাথি হোকল

কমিউনিটি পরিকল্পনা, অবকাঠামো এবং সরকারি ফ্যাসিলিটিগুলোর উন্নয়নের জন্য
23 মিলিয়ন ডলার বরাদ্দ দেওয়া সম্পর্কে গভর্নর হোকলের ঘোষণা

**33টি কমিউনিটি ডেভেলপমেন্ট ব্লক গ্র্যান্ট স্টেটজুড়ে মিউনিসিপ্যালিটিগুলোকে
শক্তিশালী করবে**

গভর্নর ক্যাথি হোকল আজ ঘোষণা করেছেন যে স্টেটজুড়ে 33টি ভিলেজ, টাউন এবং কাউন্টি-
ব্যাপী আবেদনকারীকে নিউ ইয়র্ক স্টেটের কমিউনিটি ডেভেলপমেন্ট ব্লক গ্র্যান্ট (Community
Development Block Grants, CDBG) হিসেবে আনুমানিক 23 মিলিয়ন ডলার বরাদ্দ দেওয়া
হয়েছে। এসব তহবিল সমন্বিত পরিকল্পনা অধ্যয়ন এবং কমিউনিটি ফ্যাসিলিটি থেকে শুরু করে
সিউয়ার এবং ওয়াটার মেইন প্রতিস্থাপন পর্যন্ত বিভিন্ন পরিসরের প্রকল্পের জন্য ব্যবহার করা
হবে।

“এসব স্টেট গ্র্যান্টের মাধ্যমে বরাদ্দকৃত তহবিল আমাদের আরো বেশি ভিলেজ, টাউন এবং সিটি
যাতে নিজেদের তাৎক্ষণিক চাহিদাগুলো পূরণ করতে পারে এবং ভবিষ্যতের লক্ষ্যসমূহ অর্জন
করতে পারে সে বিষয়টি নিশ্চিত করার ক্ষেত্রে সুদূরপ্রসারী ভূমিকা রাখবে,” **বলেছেন গভর্নর
হোকল।** “আমাদের কমিউনিটিগুলো গড়ে তোলা, সংরক্ষণ করা এবং স্থিতিশীল রাখা এখন
আগের যেকোনো সময়ের চেয়ে বেশি গুরুত্বপূর্ণ এবং আমাদের স্থানীয় সরকারগুলোকে তাদের
পিছিয়ে থাকা মেরামত কাজ সম্পন্ন করতে, তাদের সড়কগুলো উন্নত করতে, তাদের পানির
লাইনের সমস্যা সমাধান করতে, অথবা তাদের পরবর্তী গুরুত্বপূর্ণ প্রকল্পের পরিকল্পনা শুরু
করতে সাহায্য করার জন্য এমনকি অল্প পরিমাণ সহায়তাও ভূমিকা রাখতে পারে। একটি
আপডেটকৃত, নিরাপদ এলাকায় বসবাস করার অধিকার নিউ ইয়র্কবাসীদের রয়েছে এবং সেই
বিষয়টিকে বাস্তব রূপ দেওয়ার জন্য আমরা দৃঢ় প্রতিজ্ঞ রয়েছি।”

নিউ ইয়র্ক স্টেটের হোমস এন্ড কমিউনিটি রিনিউয়াল (Homes and Community Renewal,
HCR)-এর অফিস অব কমিউনিটি রিনিউয়াল (Office of Community Renewal)-এর মাধ্যমে
প্রতিযোগিতামূলক উপায়ে এই অর্থায়ন প্রদান করা হচ্ছে। NYS CDBG কর্মসূচির জন্য উপযুক্ত
1,300 সিটি, টাউন এবং ভিলেজ রয়েছে যেখানকার জনসংখ্যা 50,000-এর চেয়ে কম। 200,000-
এর চেয়ে কম জনসংখ্যা রয়েছে এমন কাউন্টিগুলোও তহবিলের জন্য আবেদন করতে
পারবে। NYS CDBG কর্মসূচি সম্পর্কে আরো তথ্যের জন্য [HCR-এর ওয়েবসাইট ভিজিট
করুন।](#)

অনুদানপ্রাপ্তদের মধ্যে 12টি কমিউনিটি পরিকল্পনা প্রকল্প, দুইটি পাবলিক ফ্যাসিলিটি, এবং 19টি সরকারি অবকাঠামো প্রকল্প অন্তর্ভুক্ত রয়েছে:

রাজধানী অঞ্চল

1. সারাটোগা কাউন্টির কোরিঙ্কু ভিলেজ যথাযথভাবে কাজ করতে ব্যর্থ হওয়া পানিসম্পদ ও সিউয়ার অবকাঠামো মেরামতের জন্য একটি প্রাথমিক ইঞ্জিনিয়ারিং রিপোর্ট সম্পন্ন করার জন্য 50,000 ডলার ব্যবহার করবে।
2. ওয়াশিংটন কাউন্টির ফোর্ট এডওয়ার্ড ভিলেজ এই ভিলেজের ডাউনটাউন এলাকার উত্তর পাশে অবস্থিত কুপার-প্রসপেক্ট - গ্রোভ এলাকার কাস্ট আয়রন ওয়াটার মেইন প্রতিস্থাপনের জন্য 1 মিলিয়ন ডলার কাজে লাগাবে।
3. সারাটোগা কাউন্টির মেকানিকভিল সিটি ওয়াটার ট্রিটমেন্ট প্লান্টে ভূপৃষ্ঠের পানি পরিবহন করে নিয়ে যাওয়া অপরিশোধিত পানির পাম্প স্টেশন পুনর্বাসনের পাশাপাশি অপরিশোধিত পানি পরিবহনের মেইনের ইজমেন্ট খুঁজে বের করা এবং তৈরি করার জন্য 1 মিলিয়ন ডলার ব্যবহার করবে।
4. কলম্বিয়া কাউন্টির ফিলমন্ট ভিলেজ আবাসনের চাহিদা মূল্যায়ন এবং নীতিমালার ফ্রেমওয়ার্ক সম্পন্ন করার জন্য 50,000 ডলার ব্যবহার করবে।
5. আলবানি কাউন্টির ওয়াটারভুলিয়েট সিটি গিন্ডারল্যান্ডে অবস্থিত ওয়াটারভুলিয়েট রিজারভয়ার থেকে ওয়াটারভুলিয়েট সিটি পর্যন্ত চলে যাওয়া একটি পরিবহন লাইনের জন্য পানি সরবরাহের মেইনের পরিকল্পনা ও প্রকৌশলগত চাহিদার মূল্যায়ন সম্পন্ন করার জন্য 50,000 ডলার ব্যবহার করবে।

সেন্ট্রাল নিউ ইয়র্ক অঞ্চল

1. কায়ুগা কাউন্টির ব্রুটাস টাউন তিনটি মোবাইল হোম পার্কের বর্জ্যপানি সংগ্রহের সিস্টেম সম্পর্কে একটি ইনফ্লো এবং ইনফিল্ট্রেশন অধ্যয়ন পরিচালনা করার জন্য ব্রুটাস সিউয়ার অবকাঠামো পরিকল্পনা প্রকল্পের (Brutus Sewer Infrastructure Planning Project) জন্য 50,000 ডলার ব্যবহার করবে।

ফিঙ্গার লেকস অঞ্চল

1. ওয়াইওমিং কাউন্টির অ্যাটিকা ভিলেজ ADA-এর অ্যাক্সেসযোগ্যতা বিষয়ক মানদণ্ডসমূহ পরিপালনের জন্য অ্যাটিকা মিউনিসিপ্যাল বিল্ডিং-এ একটি ইন্টেরিয়র এলিভেটর ইনস্টল করার জন্য 334,084 ডলার ব্যবহার করবে।

2. ওয়েইন কাউন্টির ক্লাইড ভিলেজ গ্লাসগো স্ট্রিট ওয়াটার মেইন প্রতিস্থাপনের জন্য 1 মিলিয়ন ডলার ব্যবহার করবে।
3. গিনিস কাউন্টির ড্যারিয়েন টাউন কর্ফু ভিলেজের বর্জ্যপানি পরিশোধক কেন্দ্রের সাথে সংযুক্ত করতে একটি স্যানিটারি সিউয়ার ফোর্স মেইন স্থাপন করতে 1.25 মিলিয়ন ডলার ব্যবহার করবে।
4. ইয়েটস কাউন্টির পেন ইয়ান ভিলেজ একটি নতুন হেডওয়ার্ক ফ্যাসিলিটি এবং দ্বিতীয় ফোর্স মেইন স্থাপন করতে 1.25 মিলিয়ন ডলার ব্যবহার করবে।
5. অন্টারিও এবং ইয়েটস কাউন্টি জুড়ে অবস্থিত রাশভিল ভিলেজ ব্যাপকভাবে বিস্তার লাভ করা ক্ষতিকর শৈবালের বিস্তার মোকাবেলা করতে ওয়াটার ট্রিটমেন্ট প্ল্যান্ট আপগ্রেড করার জন্য 1.25 মিলিয়ন ডলার ব্যবহার করবে।
6. ওয়েইন কাউন্টির সোডাস পয়েন্ট ভিলেজ সুপেয় পানির জন্য একটি প্রাথমিক ইঞ্জিনিয়ারিং রিপোর্ট এবং অবকাঠামো সম্পদ ব্যবস্থাপনা পরিকল্পনা সম্পন্ন করার জন্য 50,000 ডলার ব্যবহার করবে।
7. সেনেকা কাউন্টির ওয়াটারলু ভিলেজ এই ভিলেজের সমগ্র আবাসনের মজুদ সম্পর্কে আবাসনের অবস্থা সংক্রান্ত একটি সমন্বিত মূল্যায়ন সম্পন্ন করার জন্য 49,000 ডলার ব্যবহার করবে।

মিড-হাডসন অঞ্চল

1. সালিভান কাউন্টির ক্যালিকুন টাউন ইয়ংসভিল ওয়াটার ডিস্ট্রিক্টে সেবা দান করা পুরোনো হয়ে যাওয়া 1930 সালের ওয়াটার স্টোরেজ ট্যাংক প্রতিস্থাপনের জন্য 999,850 ডলার ব্যবহার করবে।
2. সালিভান কাউন্টির লিবার্টি ভিলেজ এটির উচ্চ-ঝুঁকিপূর্ণ কালভার্ট ভেঙ্গে পড়া এবং স্যানিটারি সিউয়ার কাজ করতে ব্যর্থ হওয়া প্রশমিত করার প্রকল্পের (High-Risk Culvert Collapse & Sanitary Sewer Failure Mitigation Project) জন্য 999,919 ডলার ব্যবহার করবে।
3. উলস্টার কাউন্টির নিউ প্যাল্টজ ভিলেজ ডেফিসিয়েন্ট সিউয়ার মেইন এবং ম্যানহোল প্রতিস্থাপনের জন্য NYS CDBG তহবিলের 857,550 ডলার ব্যবহার করবে।
4. রকল্যান্ড কাউন্টির নিউ স্কয়ার ভিলেজ বন্যার কারণে সৃষ্ট বিপদ দূর করতে বৃষ্টির পানির ড্রেনেজ ব্যবস্থা উন্নয়নের উদ্দেশ্যে পুনর্নির্মাণ কাজের জন্য NYS CDBG তহবিলের 1.25 মিলিয়ন ডলার ব্যবহার করবে।
5. সালিভান কাউন্টির ওয়ার্টসবরো ভিলেজ সালিভান স্ট্রিট সংলগ্ন ওয়াটার মেইন এবং বিদ্যমান 300,000-গ্যালনের ওয়াটার স্টোরেজ ট্যাংক প্রতিস্থাপনের জন্য 1.25 মিলিয়ন ডলার ব্যবহার করবে।

মোহাক ভ্যালি অঞ্চল

1. মন্টগোমারি কাউন্টির আমস্টার্ডাম সিটি 149 ইস্ট মেইন স্ট্রিটে একটি কমিউনিটি সেন্টার গড়ে তোলার জন্য 1 মিলিয়ন ডলার ব্যবহার করবে।
2. হার্কিমার কাউন্টি আবাসনের অবস্থা ও সুযোগ-সুবিধা মূল্যায়ন ও বর্ণনা করবে এমন একটি কাউন্টি ব্যাপী পরিকল্পনার অধ্যয়ন সম্পন্ন করার জন্য 50,000 ডলার ব্যবহার করবে।
3. ওনেইডা কাউন্টির ওয়াটারভিল ভিলেজ এই ভিলেজের আবাসনের মজুদ সম্পর্কে আবাসনের অবস্থা সংক্রান্ত একটি অধ্যয়ন এবং স্থানীয় আবাসন সমস্যা সম্পর্কে আবাসনের চাহিদা সংক্রান্ত একটি পর্যালোচনা সম্পন্ন করার জন্য 38,500 ডলার ব্যবহার করবে।

নর্থ কান্ট্রি অঞ্চল

1. ফ্র্যাঙ্কলিন কাউন্টির হ্যারিয়েটসটাউন শহর একটি ভৌত চাহিদা মূল্যায়ন, প্লাস্টিং সংক্রান্ত বিস্তারিত মূল্যায়ন সম্পন্ন করতে এবং হ্যারিয়েটসটাউন হাউজিং অথরিটির (Harrietstown Housing Authority) জন্য প্লাস্টিং আপগ্রেড করার পরিকল্পনা প্রণয়ন করতে সহায়তা করার জন্য 50,000 ডলার পাওয়ার জন্য অনুরোধ জানিয়েছে।
2. ক্লিনটন কাউন্টির প্ল্যাটসবার্গ সিটি একটি নতুন ওয়েলফিল্ডকে বিদ্যমান মেইনের সাথে সংযুক্ত করবে এমন একটি অপরিশোধিত পানি পরিবহনের মেইন স্থাপন করার জন্য 1 মিলিয়ন ডলার ব্যবহার করবে।
3. লুইস কাউন্টির পোর্ট লেইডেন ভিলেজ এই ভিলেজের বর্জ্যপানি পরিশোধন কেন্দ্র এবং সংগ্রহ ব্যবস্থা সম্প্রসারণ করার জন্য 887,000 ডলার ব্যবহার করবে।
4. জেফারসন কাউন্টির ওয়াটারটাউন শহর পানিসম্পদ পাবলিক অবকাঠামো সংক্রান্ত কাজের জন্য 1.25 মিলিয়ন ডলার ব্যবহার করবে।

সাদার্ন টিয়ার অঞ্চল

1. স্টিউবেন কাউন্টির ক্যানিসটিও ভিলেজ এটির অধিবাসীদের চাহিদা আরো ভালোভাবে পূরণ করার জন্য এটির সিউয়ার ডিস্ট্রিক্টের উন্নয়নের জন্য 1.25 মিলিয়ন ডলার ব্যবহার করবে।
2. ডেলাওয়ার কাউন্টির ডিপোজিট ভিলেজ মিউনিসিপ্যালিটির মালিকানাধীন ওয়াটার সিস্টেমের একটি মূল্যায়নের জন্য একটি প্রাথমিক ইঞ্জিনিয়ারিং রিপোর্ট সম্পন্ন করতে 50,000 ডলার ব্যবহার করবে।
3. ডেলাওয়ার কাউন্টির হ্যানকক ভিলেজ এটির অতি গুরুত্বপূর্ণ সিউয়ার উন্নয়নের 2য় পর্যায়ের জন্য 995 ডলার ব্যবহার করবে।
4. স্টিউবেন কাউন্টির থার্সটন টাউন আবাসনের চাহিদা সংক্রান্ত একটি মূল্যায়ন সম্পন্ন করার জন্য 25,000 ডলার ব্যবহার করবে।

ওয়েস্টার্ন নিউ ইয়র্ক অঞ্চল

1. অ্যালিগানি কাউন্টির আমল্ড ভিলেজ মিল স্ট্রিট/ম্যাপল রোড ওয়াটার মেইন প্রতিস্থাপনের জন্য 978,000 ডলার ব্যবহার করবে।
2. নায়াগ্রা কাউন্টির বার্কার ভিলেজ বৃষ্টির পানি ব্যবস্থাপনার একটি সমন্বিত প্রাথমিক ইঞ্জিনিয়ারিং রিপোর্ট সম্পন্ন করতে 50,000 ডলার ব্যবহার করবে।
3. ক্যাটারাগাস কাউন্টির র্যানডলফ টাউন এই টাউনের বর্জ্যপানি পরিশোধন কেন্দ্রের উন্নয়নের জন্য 1.25 মিলিয়ন ডলার ব্যবহার করবে।
4. চৌতাউকা কাউন্টির শারমেন ভিলেজ এটির মেইন স্ট্রিট করিডর এবং ডাউনটাউন বিজনেস ডিস্ট্রিক্টে সেবা প্রদানকারী ক্ষয়প্রাপ্ত/প্রয়োজনের চেয়ে ছোট আকারের বৃষ্টির পানির সিউয়ার পরিবহন ব্যবস্থা প্রতিস্থাপনের জন্য 1.25 মিলিয়ন ডলারের তহবিল ব্যবহার করবে।

HCR কমিশনার রুথ অ্যান ভিসনাউকাস বলেন, “আমাদের কমিউনিটিগুলোর স্বাস্থ্য ও নিরাপত্তার জন্য বলিষ্ঠ অবকাঠামো, আধুনিক ফ্যাসিলিটি, এবং ভবিষ্যতের জন্য সুস্পষ্ট পরিকল্পনা অপরিহার্য। 23 মিলিয়ন ডলারের এই বিনিয়োগ এই 33টি কমিউনিটিতে সমাজের ব্যবহারিক অংশগুলোকে উন্নত করবে এবং স্টেটজুড়ে স্থানীয় সরকারগুলোকে সহায়তা করার ব্যাপারে গভর্নর হোকলের অঙ্গীকারাবদ্ধতা বাস্তবায়ন করবে। এই তহবিলের জন্য আমরা যুক্তরাষ্ট্রের আবাসন ও নগর উন্নয়ন বিভাগের (U.S. Department of Housing and Urban Development) প্রতি কৃতজ্ঞ এবং অনুদানপ্রাপ্তদেরকে আমরা অভিনন্দন জানাই।”

রিপ্রেজেন্টেটিভ পল টনকো বলেন, “পানি ও সিউয়ার লাইন আমাদের কমিউনিটিগুলোকে সচল রাখার জন্য দৃষ্টির অগোচরে ভূমিকা রাখা অবকাঠামোর একটি অপরিহার্য অংশ। আজকের ঘোষণা করা প্রকল্পগুলো কোরিপ্ত, ওয়াটারভুলিয়েট এবং মেকানিকভিলের কমিউনিটিগুলো যাতে নিজেদের কমিউনিটিগুলোকে তাদের অধিবাসীদের সমৃদ্ধি অর্জনের জন্য প্রয়োজনীয় প্রাথমিক পরিষেবাসমূহ প্রদান করতে পারে সে বিষয়টি নিশ্চিত করতে সাহায্য করবে, এবং এসব অতি গুরুত্বপূর্ণ উদ্যোগের অগ্রগতি সম্পন্ন হতে দেখে আমি রোমাঞ্চিত। সামনের সময়গুলোতে আমাদের রাজধানী অঞ্চলের কমিউনিটিগুলো জুড়ে অতি গুরুত্বপূর্ণ অবকাঠামোতে বিনিয়োগের জন্য আমাদের প্রয়োজনীয় সংস্থানসমূহ পাওয়ার জন্য আমি কংগ্রেসে জোরালোভাবে সমর্থন প্রকাশ করা চালিয়ে যাবো।”

কনসোলিডেটেড ফান্ডিং এর আবেদন সম্পর্কে

অনুদানের জন্য আবেদনের প্রক্রিয়াকে সহজতর ও ত্বরান্বিত করার উদ্দেশ্যে কনসোলিডেটেড ফান্ডিং এর আবেদন তৈরি করা হয়েছে। CFA (Consolidated Funding Application) প্রক্রিয়া স্টেটের সংস্থানগুলো বরাদ্দ হওয়ার উপায়ে একটি মৌলিক পরিবর্তন এনে দিয়েছে, যা স্থানীয় অর্থনৈতিক উন্নয়নের চাহিদাগুলো পূরণে অপেক্ষাকৃত কম আমলাতান্ত্রিক জটিলতা ও অধিকতর কার্যক্ষমতা নিশ্চিত করেছে। CFA অর্থনৈতিক উন্নয়ন তহবিলের একক-এন্ট্রি পয়েন্ট

হিসেবে কাজ করে, যা আবেদনকারীদের যাতে কোনো সমন্বয় পদ্ধতি ব্যতীত একাধিক সংস্থা ও উৎসের মধ্যে ধীরে ধীরে নেভিগেট করতে না হয় সেটা নিশ্চিত করে। এখন, অর্থনৈতিক উন্নয়ন প্রকল্পগুলো একটি আবেদনের মাধ্যমে একাধিক স্টেট তহবিলের উৎস অ্যাক্সেস করার জন্য CFA-কে একটি সাপোর্ট মেকানিজম হিসেবে ব্যবহার করে থাকে, যা প্রক্রিয়াটিকে আরো বেশি দ্রুত, সহজতর, ও আরো বেশি উৎপাদনমুখী করেছে।

###

আরো সংবাদ এখানে পাওয়া যাবে www.governor.ny.gov
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418
গভর্নরের অফিস থেকে আপডেট পেতে সাইন-আপ করুন: ny.gov/signup | NEW YORK লিখে 81336 নম্বরে
টেক্সট পাঠান

[আনসাবস্কাইব করুন](#)